

Шоркар выжиз Эграла

Удмуртиысь Йӱскалык библиотекаын Дэри ёрослэн литература нуналъёсызлы йылпумъян лэсьтӱзы. Татын ик тодмо луиз Удмуртилэн 2023-тӱ арлы литературая шоркарез.

Удмуртилэн литературая шоркарез Дэри ёрос ялэмын вал туэ ар кутсконын. Таин валче ёросъёсын но, Ижын но турлы ужрадъёс, пумиськонъёс, адъытонъёс ортчылӱзы. Озыы ар чӱже Удмуртиын ульсьёс Дэри ёросысь писательёсын но кылбурчиосын, соослэн творчествоенызы но выль книгаосынызы матысьгес тодматскизы. Таяз ужрадэ но люкаськизы Дэри ёросысь тодмо адямиос — Удмуртиысь калык писатель Вячеслав Ар-Серги, шаерысьтымы калык суредась Пётр Ёлкин, Москваысь А. Горький нимо Литературной институтысь доцент Вера Пантелеева но трос

мукетъёс. Нош Дэри ёрослэн йырыз Константин Русинов эстафетаез но литература арлэсь пуссэ сётӱз эграослы. Чӱпак Эгра ёрос 2023-тӱ арын луоз Удмуртилэн литературая шоркарез.

Талы паймонэз ӧвӧл, малы ке шуоно удмурт литературанын эгра пальъёсысь гожъяськисьёс зэмос классикъёс луо: Кедр Митрей (Дмитрий Корепанов), Пересь Шамардан (Пётр Усков), Илларион Шкляев, Пётр Поздеев, Афанасий Лужанин, Генрих Перевошиков, Константин Емельянов, Семён Перевошиков, Лидия но Татьяна Черноаос...

Эграысь Кедр Митрей нимо ёрос библиотекалэн кивалтӱсез Лариса Мягкова верамъя, вуоно арлы орчгытоно ужрадъёс сярӱсь соос малпасько ни.

— Кедр Митрей ас вакытаз удмурт гожъяськисьёс пӧлысь одӱгез яркытэз но визьмоез прозаик вал. Солэсь адӱем

карыса, будӱзы мукет писательёс но. Ёросамы трос туалы кылбурчиос но верос гожъясьёс — Александр Чубуков, Мальвина Новикова, Максим Корепанов, Леонид Лекомцев, Ольга Русских, Алексей Лекомцев но мукетъёс. Уноез печатласькыны кутскизы ёрос газетамы. Табере вань ини асьсэлэн бичетъёссы. Эгралан 1970-тӱ аръёсысен ини, Кедр Митрейлэн вордскем нуналэзлы сӱзьыса, литературая но искусствоя нуналъёс ортчыло. Озыы ик ми библиотекамы радъяськомы удмурт кылбуръёсты лыдӱзонъя «Жилыртэ Кедр ошмес» конкурс. Соин ик, литературая шоркар луимы бере, ми калыкез тодматыны тыршомы Эгра ёросын вордскем-улэм писательёсын но, туалы гожъяськисьёслэн творчествоенызы но, — шуиз Лариса Ивановна.